

Broj: 31-Z/I-25

Sarajevo, 23. januar 2025.

ZAPISNIK

s 2. redovne sjednice Vijeća Univerziteta u Sarajevu - Instituta za istraživanje zločina protiv čovječnosti i međunarodnog prava,
održane 23. januara 2025.

Prisutni: Muamer Džananović – predsjedavajući Vijeća, Ermin Kuka, Almir Grabovica, Alma Hajrić-Čaušević, Amir Kliko, Hikmet Karčić, Zilha Košuta, Sabina Subašić-Galijatović, Sabahudin Šarić, Merisa Karović-Babić, Lamija Muftić – članovi Vijeća.

Sjednica Vijeća počela je u 9.00 sati.

Odsutni: Mesud Šadinlija i Meldijana Arnaut Haseljić.

Predloženi dnevni red usvojen je jednoglasno:

1. Usvajanje zapisnika s 3. elektronske sjednice i 1. redovne sjednice Vijeća Instituta;
2. Dosadašnje aktivnosti i činjenično stanje na projektu „Žrtve Sarajeva u opsadi 1992-1995“;
3. Usvajanje Izvještaja o radu Instituta za istraživanje zločina protiv čovječnosti i međunarodnog prava Univerziteta u Sarajevu za 2024. godinu;
4. Tekuća pitanja.

Tačka 1 - Usvajanje zapisnika s 3. elektronske sjednice i 1. redovne sjednice Vijeća Instituta.

Članovi Vijeća jednoglasno su usvojili zapisnik s 3. elektronske sjednice Vijeća Instituta, zapisnik sa 1. redovne sjednice Vijeća Instituta usvojen je uz dvije tehničke korekcije.

Tačka 2 - Dosadašnje aktivnosti i činjenično stanje na projektu „Žrtve Sarajeva u opsadi 1992-1995“.

Predsjedavajući Vijeća je ukratko izvijestio članove Vijeća o zatečenom stanju na projektu „Žrtve Sarajeva u opsadi 1992-1995“. Naglasio je da je ovaj projekat ranije bio redovno zastupljen u izvještajima o radu Instituta, ali da ove godine nije bio prisutan. Također je

Podsjetio da je posljednji put razmatran na Vijeću Instituta 2018. godine, kada je Fikret Bećirović imenovan za rukovodioca projekta, a određeni su koordinatori i učesnici projekta iz Instituta. Nakon što nije bilo pomaka u radu na ovom projektu prethodni direktor Rasim Muratović je usmeno dogovorio da kolegica Merisa Karović-Babić preuzme koordinaciju aktivnosti na ovom projektu.

Sekretar Instituta obavijestio je članove Vijeća da je na javni poziv tadašnjeg Ministarstva za obrazovanje Kantona Sarajevo aplicirano s projektom, tražeći sredstva u iznosu od 100.000,00 KM. Ministarstvo je odobrilo 10.000,00 KM, od kojih je 7.000,00 KM utrošeno za nabavku softverskog rješenja za obradu podataka.

Merisa Karović-Babić istaknula je da je do sada obavljen dio posla koji se odnosi na 1992. godinu (prvih šest mjeseci), te da bi preostali dio za ostatak te godine mogao biti završen do kraja 2025. godine. Naglasila je da bi, završivši 1992. godinu, bilo dovršeno 60% ukupnog projekta (podaci o žrtvama).

Amir Kliko istakao je, da odlaskom Fikreta Bećirovića, projekat formalno ostao bez voditelja. Predložio je da Merisa Karović-Babić, s obzirom na to da već radi na dijelu koji se odnosi na 1992. godinu, i formalno preuzme ulogu voditelja projekta i formira tim kako bi se projekat uspješno nastavio raditi i prijevo kraju.

Merisa Karović-Babić naglasila je da je projekat obiman i zbog toga nije u mogućnosti prihvatiti odgovornost za vođenje cijelog projekta, ali je istaknula da će kroz rad na drugom projektu na kojem je angažirana kao rukovodilac nastaviti raditi na analizi i obradi podataka za žrtve opsade koji se odnosi na 1992. godinu. Po završetku obrade podataka za 1992. godinu, razmotrit će mogućnost da nastavi aktivnosti koordiniranja analize i obrade podataka za žrtve opsade 1993, 1994. i 1995. godine. Također, pozvala je kolegice i kolege da, ukoliko imaju interes, preuzmu ulogu voditelja projekta za ostale periode opsade (1993-1995).

Nakon iscrpne rasprave u kojoj su svi članovi Vijeća aktivno sudjelovali, Predsjedavajući Vijeća predložio je Zaključak o ovom projektu i stavio ga na usvajanje:

ZAKLJUČAK

Utvrđeno je činjenično stanje projekta „Žrtve Sarajeva u opsadi 1992-1995“ iz kojeg je jasno da prethodnih godina bilo određenih adekvatnih pomaka na unosu i obradi podataka o žrtvama za 1992. godinu. Merisa Karović-Babić nastavit će koordiniranje aktivnosti i rad na segmentu koji se odnosi na 1992. godinu u okviru projekta. Po završetku obrade podataka za 1992. godinu, bit će napravljen presjek urađenog posla, nakon čega će se definirati dalji koraci u

nastavku aktivnosti, koji će obuhvatiti analizu i obradu podataka za žrtve opsade 1993, 1994. i 1995. godine.

Zaključak je usvojen je s devet glasova članova Vijeća i stupa na snagu danom donošenja.

Hikmet Karčić je morao napustio sjednicu u 12,30 sati zbog promocije svoje knjige koja je zakazana za 13 sati.

Tačka 3 - Usvajanje Izvještaja o radu Instituta za istraživanje zločina protiv čovječnosti i međunarodnog prava Univerziteta u Sarajevu za 2024. godinu.

Predsjedavajući Vijeća upoznao je članove Vijeća da je prilikom pregleda materijala za sjednicu Instituta, a posebno Izvještaja o radu Instituta za 2024. godinu (koji uključuje izvještaje o radu zaposlenika Instituta), i nakon obavljenih konsultacija sa sekretarom Instituta, stekao jasniji uvid u stanje projekata zaposlenika Instituta.

Predsjedavajući Vijeća je naglasio da ne postoje jasno definirane procedure za prijavu, realizaciju i objavu rezultata naučnih projekata Instituta te da je dosadašnja praksa bila da direktor samostalno odlučuje o svim etapama rada na projektima. Istakao je da je o nekim aktivnostima uposlenika saznao tek iz njihovih izvještaja. Rad na projektima ili aktivnostima koje su iste ili slične onima iz djelatnosti Instituta, a realiziraju se u suradnji s drugim ustanovama ili organizacijama bez pismenog odobrenja direktora ili Vijeća, smatra ozbiljnim kršenjem ugovora o radu. U diskusiji su učestvovali članovi Vijeća, te kao primjer naveden je angažman uposlenika Instituta na fakultetima, gdje je prethodno potrebno tražiti saglasnost direktora, Vijeća Instituta ili rektora UNSA ako se radi o direktoru Instituta.

Kada je riječ o učešću na stručnim i naučnim konferencijama, okruglim stolovima, skupovima i javnim tribinama, ali i u redakcijama časopisa, Predsjedavajući je istaknuo da je važno da uposlenici Instituta uvijek uz svoje ime navode i instituciju u kojoj su zaposleni što je praksa svakog ozbiljnog organizatora ili izdavača.

Sekretar Instituta pojasnio je da se ovom praksom želi postići dvostепенost. Predsjedavajući je dodao kako se na taj način želi osigurati da se radi u najboljem interesu Instituta, što se potvrđuje njegovom željom da prekine praksu prema kojoj direktor samostalno odlučuje o prihvatanju, toku i završetku naučnih projekata, te da tu odgovornost prenese na Vijeće Instituta.

Svi članovi Vijeća su sudjelovali u raspravi. Nakon toga su jednoglasno usvojili sljedeće zaključke:

ZAKLJUČCI

1. Potrebno je napraviti Pravilnik o utvrđivanju kriterija i radu uposlenika Instituta na naučnim projektima;
2. Projekti Instituta, koji su prošli trenutno važeću proceduru ili su završeni tokom 2024. godine, prihvataju se kao aktuelni ili završeni, u skladu s važećim pravilima;
3. Za završene projekte uposlenika Instituta u 2024. ili ranijim godinama, a čiji su rezultati proizašli iz njihovog rada u Institutu i koji bi u budućnosti mogli biti publikovani u formi knjige, monografije ili druge publikacije, obavezno je da se objave u okviru izdavačke djelatnosti Instituta. Svaki drugi oblik suizdavaštva ili izdavanja od strane drugog izdavača mora biti obrazložen i prethodno odobren od strane Vijeća;
4. Direktor i sekretar Instituta, u skladu s raspravom održanom na 2. sjednici Vijeća, te praksom članica UNSA, posebno Institutā, uz konsultacije s pravnom službom UNSA, pripremit će nacrt „Pravilnika o utvrđivanju kriterija i radu uposlenika Instituta na naučnim projektima“. Nakon toga će biti dostavljen članovima Vijeća na raspravu, a zatim i na konačno usvajanje;
5. Novi projekti prijavljeni nakon usvajanja Izvještaja o radu za 2024. ne mogu biti prihvaćeni kao projekti Instituta dok ne bude usvojen „Pravilnik o utvrđivanju kriterija o radu uposlenika Instituta na naučnim projektima“;
6. Dosadašnje aktivnosti s drugim ustanovama za koje uposlenici Instituta posjeduju pismeno odobrenje direktora ili Vijeća Instituta, a posebno ako ga nemaju, potrebno je revidirati i jasno definisati ulogu i poziciju Instituta u objavljivanju njihovih naučnih rezultata. Ovo se naročito odnosi na slučajeve kada je rezultat tih aktivnosti objava knjige, studije ili druge publikacije.

Svi Zaključci stupaju na snagu danom donošenja. Nakon usvajanja zaključaka članovi Vijeća jednoglasno su donijeli i

ODLUKU

o usvajanju Izvještaja o radu Instituta za 2024. godinu

I

Donosi se Odluka o usvajanju Izvještaja o radu Univerziteta u Sarajevu - Instituta za istraživanje zločina protiv čovječnosti i međunarodnog prava za 2024. godinu.

II

Sastavni dio ove odluke je Izvještaj o radu za 2024. godinu.

III

Ova Odluka stupa na snagu danom donošenja.


Tačka 5 - Tekuća pitanja

Predsjedavajući je izvijestio Vijeće o uspješno organiziranom naučnom skupu održanom 9. januara 2025. godine u Sali Rektorata Univerziteta u Sarajevu pod nazivom „Instrumentalizacija i politizacija nacionalnih prava: Deklaracija ‘Svesrpskog sabora’ kao kontinuitet velikodržavne politike”, kao i o planovima za predstojeće skupove i izdavačku djelatnost Instituta u 2025. godini. Članovi Vijeća pohvalili su dosadašnje aktivnosti Instituta i planove za budući rad.

Zapisnik vodio



Edis Ikanović



Predsjedavajući Vijeća



Dr. sc. Muamer Džananović, viši naučni saradnik